



Jedna grupa ljudi je došla Poslaniku, sallallahu alejhi ve sellem, pa rekoše: “Pošalji sa nama jednu grupu ljudi koja će nas podučavati Kur'anu i Sunnetu.” Allahov Poslanik, sallallahu alejhi ve sellem, odabra za njih sedamdeset ljudi, ensarija (koje nazivahu učači Kur'ana). Među njima je bio i moj daidža Haram.

Enes, radijallahu 'anhu, pripovijeda: "Jedna grupa ljudi je došla Poslaniku, sallallahu alejhi ve sellem, pa rekoše: 'Pošalji sa nama jednu grupu ljudi koja će nas podučavati Kur'anu i Sunnetu.' Allahov Poslanik, sallallahu alejhi ve sellem, odabra za njih sedamdeset ljudi, ensarija (koje nazivahu učači Kur'ana). Među njima je bio i moj daidža Haram. Oni su u Medini učili Kur'an i međusobno ga studirali. Po noći bi se podučavali, a po danu bi donosili vodu i ostavljali u džamiji. Oni su sabirali drva i prodavali ih, pa bi za zaradu kupovali hranu stanarima džamijske sofe i siromašnima. Njih je Allahov Poslanik poslao kod nas, ali ih mušrici preduhitriše i pobiše prije nego što su stigli na određeno mjesto. Oni rekoše: 'Allahu naš, izvijesti o nama našeg Poslanika, da smo se mi sastali sa Tobom, i da smo zadovoljni Tobom da si Ti zadovoljan nama.' Jedan čovjek mušrik došao je Haramu, daidži (prenosiocu hadisa), u leđa mu koplje zabio i njime ga probo. Haram tada reče: 'Pobijedio sam, Gospodara mi Kabe.' Allahov Poslanik, sallallahu alejhi ve sellem, je istodobno rekao ahabima u Medini: 'Zaista su vaša braća izginula, a zadnje njihove riječi su bile: 'Allahu naš, izvijesti o nama našeg Poslanika, da smo se susreli s Tobom, da smo zadovoljni Tobom, a i Ti nama.'"

[Vjerodostojan] [Muttefekun alejh]

Značenje hadisa: Neka delegacija arapskih plemena došla je kod Poslanika, sallallahu alejhi ve sellem, tvrdeći da su primili islam, pa su od njega tražili da im pošalje nekog ko će ih podučavati Kur'anu. Poslanik im je poslao sedamdeset vrsnih karija koji su mnogo učili Kur'an. I pored zauzetosti učenjem Kur'ana, ipak ih to nije spriječilo da rade i privređuju. Zbog toga je Enes kazao: “Po noći bi se podučavali, a po danu bi donosili vodu i ostavljali u džamiji. Oni su sabirali drva i prodavali ih, pa bi za zaradu kupovali hranu stanarima džamijske sofe i siromašnima.”, tj. danju bi donosili vodu u džamiju onima koji su željeli da se čiste, piju i sl. Oni su sabirali drva i prodavali ih, pa bi za zaradu kupovali hranu stanarima džamijske sofe i siromašnima: tj. skupljali su drva, prodavali ih i tim novcem kupovali hranu i dijelili je siromašnima, od kojih su bili i stanovnici Sofe, a oni su: siromasi, stranci koji su tražili

sklonište u džamiji Poslanika, sallallahu alejhi ve sellem, na kraju džamije ima li su poseban prostor koji je bio odvojen i prekriven, a oni su u njemu boravili i spavali. Poslanik je poslao te učače, pa kada su stigli do bunara Meune, prije nego su došli do cilja tj. kuće Ebul-Bera'a b. Mula'iba, preduhitri ih Amir b. Tufejl sa grupom ljudi i pobi ih. "Allahu naš, izvijesti o nama našeg Poslanika, da smo se susreli s Tobom, da smo zadovoljni Tobom, a i Ti nama." U drugoj verziji stoji: "Prenesite našem narodu da smo se mi sreli sa našim Gospodarem, On je zadovoljan nama, a i mi njime." Džibril je tad saopštio Poslanika da su oni sreli svoga Gospodara , da je On zadovoljan njima, a i oni Njime, kao što se navodi u predaji Buharije. Poslanik reče: "Zaista su vaša braća izginula, a zadnje njihove riječi su bile: 'Allahu naš, izvijesti o nama našeg Poslanika, da smo se susreli s Tobom, da smo zadovoljni Tobom, a i Ti nama.'", tj. Allah je zadovoljan njihovom pokornošću a i oni su zadovoljni onim čime ih je On počastio.

<https://sunnah.global/hadeeth/bs/show/3597>

النجاة الخيرية
ALNAJAT CHARITY

